

Landesbibliothek Oldenburg

Digitalisierung von Drucken

Friderici Iacobi Beyschlagii, Gymnasii, quod Halæ Suevorum est, Adiuncti, & ad ædem S. Mich. Archangeli Catechetæ extraordinarii, Sylloge Variorum Opusculorum

(Programmatvm, Orationvm, Epistolarvm, Poematvm, Dissertationvm, Aliarvmqve Observationvm ...)

Fascicvlos I.II.III.IV.V. Ab Annis MDCC.XXVII.M.DCC.XXVIII.M.DCC.XXIX. Editos, Complexvs. Cvm Indice Triplici.

Beyschlag, Friedrich Jakob

Halae Suevorum, M.DCC.XXIX

IV. Annotatio ad antecedentem Elegiam, aliaeqve Observationes.

urn:nbn:de:gbv:45:1-16134

24 *IV. Annotatio ad Elegiam antecedentem.*

*Si morimur ; dura non mortis fata timemus ;
Perdidit hac vires , te moriente , suas.
Si quondam tumultus pallentia corpora condet ;
In tumulo nobis , te duce , parva quies.
Tempus erit , quo nos socios e morte reduces ;
Quo putris referet corpora viva cinis :
Quo placidus nobis concedes gaudia cæli ,
Gaudia , quæ nullis contemperanda modis.*

P. P. ALTORF NOR. D. XVIII. MAII. A. R. S. CIOIO CCXXI.

IV.

ANNOTATIO ad antecedentem Elegiam,
aliæque Observationes.

COmode Programmati Seiferheldiano sub-
iicitur elegans hæc Elegia Exc. SCHWAR-
ZII, pace quidem celeberrimi hujus in orbe
literato viri, cujus per plures annos, in Phi-
losophia practica, & literis, ad politio-
rem humanitatem (cujus præstantiam ipse in cultis-
sima ad *Miscellanea sua politioris humanitatis*,
præfatione egregiè ostendit) pertinenti-
bus, institutioni fidelissimæ mirum quan-
tum debere me, gratus intelligo. Integra
ea exhibetur, non nisi verbis quibus-
dam honorificis, quæ ea, qua Vir humanissi-
mus in meam tenuitatem semper fuit, bene-
volentia, ipsi expressit, omittis: nec enim
ingenii mei & doctrinæ angustia vel mere-
batur illa elogia, vel capiebat. Neque hoc
etiam

etiam instituto huic meo fraudi erit, quod hoc ipsum Program̃a insertum jam legatur Fastis Universitatis Altorfinæ, ad An. 1721. p. 147. seqq. qui auctorem agnoscunt Virum & ipsum celeb. Dn. *Io. David. Koelerum*, Histor. & Polit. P. P. & Bibliothecarium Altorfinum, ac nuper Regiæ Societ. Berolinensis Collegis merito suo adscriptum, cujus laudes nuper cecinerunt eruditissimi Actor. Erud. Lips. Collectores, An. 1726. p. 393. cuique & ego publice hic gratissimum profiteor animum pro ipsius informatione in Historiarum & Politices disciplinis, dexterrima. Ceterum memini elogii, quod egregiæ huic Elegiæ Schwarzianæ, in Museo Viri Illustris, & undiquaque doctissimi, atque πολυγλωττάτῃ, Dn. *Maturini Veyssiére la Croze*, Bibliothecarii & Antiquarii Regii Berolinensis, jure tribuit Vir Clarissimus, *Carolus Andreas Henningius*, Gymnasii Berolinensis Sub-Rector, cui honorem, quem merita ei sua pepererunt, quique inde nuper ad eum redundavit, cum Regiæ Berol. Acad. Scient. membrum est constitutus, publice gratulor. Publicè verò etiam hic gratias ago permagnas egregiæ doctrinæ & humanitatis Viro, *Jo. Erb. Kappio*, tum pro aliis benevolentia in me suæ documentis, Lipsiæ

B s

mihī

mihi exhibitis, quo pertinet in primis, quod aditum ad Illustrem, & meritis suis innumeris inclytum, *Jo. Burch. Menckenium*, mihi aperuit, ejusque Bibliothecæ instructissimæ, (cujus gazas catalogus, publice profans, indicat) rara & pretiosa cimelia, indultu VIRI Excellentissimi perquam benevolo, ad oculum, eruditissimis immixtis sermonibus, monstravit; tum pro illa singulari humanitate, qua sponte sua tesseram admissionalem ad laudatum *Henningium* Berolinensem, amicum suum honoratiss. præbuit, qui Vir humanissimus, per motus commendatione ista, ipse me in ædes *Celeb. la Croze* deduxit, cujus Illustris Viri consummatam eruditionem, & insignem benevolentiam coram admirandi, facultatem mihi obtigisse, toties vehementer lætor, quoties piam illam sententiam lego, (lego autem iterum iterumque) quam VIR Illustris, & linguarum Orientalium atque Occidentalium ad stuporem usque peritus, d. 14. Jul. A. C. M. DCCXXV. in sui *μνημόσυνον*, in Albo meo adscribere (verba legis Croziana) benevole dignatus est, præsentem præstantissimo *Henningio*. Syriacis vero verbis in Albo meo præmissis, latinam sententiæ egregiæ addidit versionem, quam inde, pace VIRI ILLUSTRIS, hic liceat repetere:

TVVS SVM, DOMINE, SEV MORIAR,
SEV VIVAM.

Jacobus Sarungensis, apud Asse-
manum, *Tom. I. p. 313. col. 2.*

Quæ omnia solum memoriæ præsidium, non inspecto Assemani opere, ipsi suggestisse, idque miratum esse utrumque nostrum, *Henningium* atque me, hincque, occasione à laudato *Henningio* data, de isto suo præstantissimo subsidio, quo à se lecta accuratè tenere, & in succum, quod ajunt, ac sanguinem convertere dudum didicerit, egregiè disseruisse celeb. *la Crozium*, bene adhuc recordor. Id ipsum sane probant tum alia ejus eruditissima scripta, tum ille inprimis celebratissimus liber, *Hagæ - Comit. 1724. 8vo. editus, cui tit. Histoire du Christianisme des Indes*, qui in variis *Ephem. Liter. recensetur, v. gr. in Act. Er. Lips. Lat. 1725. p. 122. sqq. Act. Erud. Lips. Germ. part. 100. n. 4. Bibliothéque ancienne & moderne, P. I. Tom. XXI. n. 4. Republyk der Geleerden, n. 4. alibique; conf. Viri celeb. & de re literaria universa excellenter meriti, Jo. Gottl. Krausii, (pro cujus favore atque humanitate, iteratis vicibus, Lipsiæ mihi præstita, publice hic gratias agendi qualemcunque hanc occasionem*

nem

nem negligere nolui,) Nov. Lit. Germ. 1724. p. 971. 980. 1030. aliisque in locis. Sed revertor ad egregiam *Jacobi Sarugensis* *γνώμων*, quam eruditissimus *La Croze*, qua est infinita lectione, accuratissimoque judicio, ut dixi, memoriter depromsit ex celeb. *Joh. Simonii Assemani Bibliotheca Orientali Clementino Vaticana*, cujus Tomus I. Romæ, 1719. fol. typis S. Congreg. de propag Fide, editus, recens. in Act. Erud. Lips. Suppl. T. VIII. sect. I. p. 1. sqq. Tom. II. ibid. iisdem typis, 1721. fol. excusus, describitur in Act. Er. 1723. m. Jan. p. 5. sqq. (g) Ex priore Act. Erudit. loco, p. 5. liceat hic afferre, quæ ex *Assemani* Tom.

(g) Quod opus Assemani maxime insignis, quanto nuper subsidio fuerit PETRO BOSCHIO, Jesuitæ percelebri, in tractatu ejus hist. Chron. de Patriarchis Antiochenis, patet ex iisdem Act. Erud. 1726. p. 198. & suppl. T. IX. p. 71. nec ipso Boschio id dissimulante, ex cujus laudato opere, ut obiter hoc moneam, fusior notitia de PETRO GNAPHEO, sive FULLONE, Episcopo Antiocheno, peti potest, (vid Act. Er suppl. T. IX. p. 68.) cujus breviorern, pro instituto, mentionem nuper iniecit Vir clar. ELH. FOLC. HARKENROTHIUS in eleganti, etsi brevi, vitæ GUIL. GNAPHEI descriptione, in Bibl. Brem. Class. VIII, Fasc. I. n. VII. p. 119.

Tom. I. n. XXVII. ibi adducunt Celeberrimi collectores: *Sanctus JACOBUS Sarugensis, inquit, Batnarum Episcopus, seu urbecula in regione Sarugensi sita, quæ duo Renaudotius confundit, ac Jacobum nostrum hereticorum Monophysitarum antesignanum injuste vocat, ex Nostri sententia, qui prolixè illi respondet. N. XXVIII. GEORGIUS, Jacobi Sarugensis discipulus, encomium in Præceptorem suum scripsit. Hactenus illi. Atque hæc quoque obiter adjecisse, fas sit, occasione sumpta ab Elogio illo, quod Elegiæ, quæ paulo ante legitur, Schwarzianæ, in Museo Croziano, d. 14. Jul. 1725. ab eruditissimo Henningio datum merito esse, lætus memini, nihil cæteroqui, quod iure argui possit, hic admisisse, confisus, nisi quod modestiam horum Virorum celeberrimorum læsisse videri queam.*

V.

ORATIO (a)

De hominum e morte resuscitatorum exemplis, ex historia profana repetitis.

- (a) Temporis rationem habiturus, hanc orationem hic sisto, quam ante sex jam annos, moderante actum Celeb. Viro CHRISTIANO GOTL. SCHWARZIO, Præceptore & Patrono meo omni observantiæ cultu perpetuò venerando